

春秋左傳杜注

春秋左傳杜注卷第十六

華亭姚培謙學

襄公

經十有六年春王正月葬晉悼公

踰月而葬速也

○三月公

會晉侯宋公衛侯鄭伯曹伯莒子邾子薛伯杞伯

小邾子于溴梁

不書高厚逃歸故也。溴水出河內軹縣東南至溫入河。溴古歷反。爾雅梁莫大於溴梁。溴梁水隈也。

今河南懷慶府濟源縣西北原山有白澗水即溴梁也。

戊寅大夫盟

諸大夫本欲盟高厚高厚逃歸故遂自共盟。羅澤會重序

諸侯今此間無異事。即上諸侯大夫可知。

晉人執莒子邾子以歸

邾莒三國數侵魯。又無道於其民故稱人

以執不以歸京師非禮也。高氏閔曰諸侯有罪執之以歸而不歸京師已則不臣而以討人非正也。故稱晉人而二君不名。

○齊侯

伐我北鄙

無傳齊貳晉故

○夏公至自會

無傳

○五月甲子地

震

無傳

○叔老會鄭伯晉荀偃衛甯殖宋人伐許

荀偃

當序鄭上方示叔老可以會鄭伯故荀偃在下

○秋齊侯伐我北鄙圍成○大雩

無傳書過

○冬叔孫豹如晉

傳十六年春葬晉悼公平公即位

平公悼公子彪彪彼蚪反

羊舌

肸為傅

肸叔向也代士渥濁

張君臣為中軍司馬

張老子代其父

祁奚韓

襄藥盈士鞅為公族大夫

祁奚去中軍尉為公族大夫去劇職就閒官韓襄無忌子也

虞

邱書為乘馬御

代程鄭乘去聲

改服脩官烝于曲沃

既葬改喪服脩

官選賢能曲沃晉祖廟烝冬祭也諸侯五月而葬既葬卒哭作主然後烝嘗於廟今晉踰月葬作主而烝祭傳言晉將有溴梁之會故速葬

警

守而下會于溴梁

順河東行故曰下

命歸侵田

諸侯相侵取之田

以我

故執邾宣公莒犁比公

犁比莒子號也十二年十四年莒人侵魯前年邾人伐魯晉將為魯討之悼公

卒不克會故平公終其事○比音毗

且曰通齊楚之使

邾莒在齊楚往來道中故并以此責之經書執在大

夫盟下既盟而後告

晉侯與諸侯宴于溫使諸大夫舞曰歌詩

必類

歌古詩當使各從義類

齊高厚之詩不類

齊有二心故○孔疏歌古詩各從其思好之義類高厚所

歌之詩獨不取思好之義類故云齊有二心

荀偃怒且曰諸侯有異志矣使諸

大夫盟高厚高厚逃歸

齊為大國高厚若此知小國必當有從者

於是叔孫豹

晉荀偃宋向戌衛甯殖鄭公孫蠆小邾之大夫盟

曰同討不庭

自曹以下大夫不書故傳舉小邾以包之

○許男請遷于晉

許欲叛楚

諸侯遂遷許許大夫不可晉

人歸諸侯

唯以其師討許之不肯遷

鄭子蟜聞將伐許遂相鄭伯以

從諸侯之師

鄭與許有宿怨故其君親行

穆叔從公

從公歸

齊子帥師會

晉荀偃書曰會鄭伯為夷故也

夷平也春秋於魯事所記不與外事同者客主之言所以

為文固當異也魯卿每會公侯春秋無譏故於此示例不先書主兵之荀偃而書後至之鄭伯時皆諸侯大夫義取皆平故得會鄭伯○王氏樵曰按春秋之例用兵則主兵者為首大夫雖主兵不得在諸侯上此經所書正其名例左氏乃別生義曰為夷故也說者謂禮卿不會公侯而可以會伯子男此處欲示叔老可以會鄭伯故荀偃在下殊為曲說無禮夏六月次于棫林庚寅伐許次于

函氏

棫林函氏皆許地

晉荀偃欒黶帥師伐楚以報宋揚梁

之役

晉師獨進揚梁役在十二年

楚公子格帥師及晉師戰于湛阪

襄城昆陽縣北有湛水東入汝。○湛丈林反。阪音反。○水經注湛水出擘縣北魚齒山東南流為湛浦。即此。今河南南陽府葉縣北二十里有昆陽城。

楚師敗績。晉師遂侵方城之外。不書。復伐許而還。許未遷故。

○秋齊侯圍成。成魯孟氏邑。貳晉故伐魯。孟孺子速徽之。孟獻子之子。莊子速也。徽要也。

○齊侯曰。是好勇。去之以爲之名。速遂塞海陘。

而還。海陘。魯隘道。○陘音刑。

○冬。穆叔如晉。聘。且言齊故。言齊再伐魯。晉人曰。以寡君

之未禘祀。禘祀。三年喪畢之吉祭。與民之未息。新伐許及楚。不然。不敢忘。

穆叔曰。以齊人之朝夕釋憾於敝邑之地。是以大

請。敝邑之急。朝不及夕。引領西望曰。庶幾乎。庶幾乎。來救。

比執事之間恐無及也。見中行獻子賦圻父。

圻父詩小雅周

司馬掌封畿之兵甲故謂之圻父詩人責圻父為王爪牙不脩其職使百姓受困苦之憂而無所止居。比必利反間音開。

獻子曰。

偃知罪矣。敢不從執事以同恤社稷。而使魯及此。

及此

見范宣子賦鴻鴈之卒章。

鴻鴈詩小雅卒章曰鴻鴈于飛哀鳴嗷嗷嗷嗷唯此哲人謂我劬勞

言魯曾憂困替替然若鴻鴈之失所大曰鴻小曰鴈。

宣子曰。句在此。敢使魯無鳩乎。

鳩集也。○豈敢使魯無所鳩集如鴻雁卒章所云乎。

經十有七年春。王二月庚午。邾子貜卒。

無傳宣公也。四同盟。○邾苦耕

反。○前年晉人執莒子邾子以歸。此書邾子貜卒者。晉人尋赦之也。莒子同此。

○宋人伐陳。○夏。衛后

買帥師伐曹。

買石稷子。

○秋。齊侯伐我北鄙。圍桃。高厚帥

師伐我北鄙圍防

弁縣東南有桃虛

○九月大雩

無傳書過

○宋華

臣出奔陳

暴亂宗室懼而出奔實以冬出書秋者以始作亂時來告

○冬邾人伐我南鄙

傳十七年春宋莊朝伐陳獲司徒印卑宋也

司徒印陳大夫

卑宋不設備朝如字凡人名字皆放此印五郎反

○衛孫蒯田于曹隧

趙竟而獵孫蒯林父之子

飲馬于重邱

重邱曹邑飲去聲重邱

聲寰宇記重邱在乘氏縣東北三十一里今曹縣東北有乘氏故城屬山東兗州府

毀其瓶重邱人閉門而

詢之

詢罵也。詢呼豆反

曰親逐而君爾父爲厲

厲惡鬼林父逐君在十四年

是

之不憂而何以田爲夏衛石買孫蒯伐曹取重邱

孫蒯不書非卿

曹人愬于晉

爲明年晉人執石買傳

○齊人以其未得志於我故

前年圍成辟五孺子

秋齊侯伐我

北鄙圍桃高厚圍臧紇于防

防臧紇邑

師自陽關逆臧孫

至于旅松

陽關在泰山鉅平縣東旅松近防地也魯師畏齊不敢至防○今兗州府寧陽縣東北有陽關故城 臧叔紇

臧疇臧買帥甲三百皆犯齊師送之而復

臧叔紇叔梁紇臧疇臧買

臧紇之昆弟也三子與臧紇共在防故夜送臧紇於旅松而復還守防

齊師去之

失臧紇故

齊人獲臧堅

堅臧紇之族

齊侯使夙沙衛唁之且曰無死

使無自殺

堅稽首曰

拜命之辱抑君賜不終姑又使其刑臣禮於士以

杙扶其傷而死

言使賤人來唁已是意賜不終也夙沙衛奄人故謂之刑臣○杙音弋扶烏六反

○冬邾人伐我南鄙爲齊故也

齊未得志於魯故邾助之

○宋華閱卒。華臣弱臯比之室。

臣閱之弟。臯比閱之子。弱。侵易之。比音毗。

使

賊殺其宰華吳。賊六人。以鉞殺諸盧門合左師之

後

盧門宋城門合向成邑。後屋後。鉞音皮反。

左師懼曰。老夫無罪。賊曰。臯比

私有討於吳。遂幽其妻。

幽吳妻也。

曰。畀余而大璧。

畀與也。

宋公

聞之曰。臣也不唯其宗室是暴。大亂宋國之政。必

逐之。左師曰。臣也亦卿也。大臣不順。國之恥也。不

如蓋之。乃舍之。左師爲已短策。苟過華臣之門。必

騁

惡之。

十一月甲午。國人逐瘕狗。瘕狗入於華臣氏。國

人從之。華臣懼。遂奔陳。

華臣心不自安。見逐狗而驚。走。瘕居世反。狂犬也。

○宋皇國父爲大宰，爲平公築臺，妨於農收。

周十一月今九

月收斂時

子罕請俟農功之畢，公弗許。築者謳曰：澤門

之皙，實興我役。

澤門，宋東城南門也。皇國父，白皙而居近澤門。

邑中之黔，實慰我

心。

子罕，黑色而居邑中。黔，音琴。

子罕聞之，親執扑以行，築者而扶

其不勉者，曰：吾儕小人，皆有闔廬，以辟燥濕寒暑。

闔，謂門戶閉塞。行去聲，扶，恥乙反。

今君爲一臺而不速成，何以爲役也。

謳者乃止。或問其故，子罕曰：宋國區區而有誼，有

祝禍之本也。

傳善子罕分謗。祝之，又反。

○齊晏桓子卒。

晏嬰父也。

晏嬰麤縗斬

斬，不緝之也。縗，在曾前，縗三升布。

苴經帶。

杖管屨

苴麻之有子者取其編也杖竹杖管屨草履。管古顏反。

良鬻居倚廬寢苦枕草

此禮與士喪禮略同其異唯枕草耳然枕草亦非喪服正文。鬻之六反枕去聲。古苦對反。

其老曰非大夫之

禮也

時之所行士及大夫絞服各有不同晏子為大夫而行士禮其家臣不解故譏之。

曰唯卿為大夫

晏子惡直己以斥時失禮故孫辭略答家老。邵氏寶曰王制諸侯之上大夫卿。

經十有八年春白狄來

不言朝不能行朝禮。

○夏晉人執衛行

人石買

石買即是伐曹者宜即懲治本罪而晉因其為行人之使執之故書行人以罪晉。

○秋齊師伐

我北鄙

不書齊侯齊侯不入竟。穀作齊侯。

○冬十月公會晉侯宋公衛

侯鄭伯曹伯莒子邾子滕子薛伯杞伯小邾子同

圍齊

齊數行不義諸侯同心俱圍之。

○曹伯負芻卒于師

無傳禮當與許男同三同盟。

○

楚公子午帥師伐鄭

傳十八年春白狄始來

白狄狄之別名未嘗與魯接故曰始

○夏晉人執衛行人石買于長子執孫蒯于純留

長子純留二縣今皆屬上黨郡孫蒯不書父在位蒯非卿○長丁丈反○純地理志作屯長子屯留二縣今屬山西潞安府

爲曹故

也前年衛伐曹

○秋齊侯伐我北鄙中行獻子將伐齊夢與厲公

訟弗勝厲公獻子所賦者

公以戈擊之首隊於前跪而戴之

奉之以走見梗陽之巫臯

梗陽晉邑在太原晉陽縣南臯巫名也夢并見之○奉音捧今山西

太原府清源縣有梗陽故城

他日見諸道與之言同

巫亦夢見獻子與厲公訟

巫曰今

茲主必死。若有事於東方，則可以逞。

巫知獻子有死徵，故勸使快意伐齊。

獻子許諾。晉侯伐齊，將濟河。獻子以朱絲係玉二

穀。

雙玉曰穀。穀音角。

而禱曰：齊環怙恃其險，負其衆庶。

環齊靈公名，負。

也。

弃好背盟，陵虐神主。

神主民也，謂數伐魯殘民人。

曾臣彪將率諸

侯以討焉。

彪晉平公名，稱臣者明上有天子以譙告神，曾臣猶末臣。

其官臣偃實先後之。

守官之臣，偃獻子名。先後並去聲。

苟捷有功，無作神羞。

羞恥也。

官臣偃無敢

復濟。

偃信巫言，故以死自誓。

唯爾有神裁之。沈玉而濟。

沈音鳩。

冬十月。

會于魯濟，尋溴梁之言，同伐齊。

溴梁在十六年，盟曰同討不庭。

齊侯禦

諸平陰，塹防門而守之。廣里。

平陰城在濟北盧縣東北，其城南有防，防有門於門外，作塹橫。

行廣一里故經書圖。今平陰故城在山東東平州平陰縣東北三十五里。

夙沙衛曰不能戰莫如

守險

謂防門不足為險

弗聽諸侯之士門焉齊人多死范宣

子告析文子

析文子齊大夫子家

曰吾知子敢匿情乎魯人莒

人皆請以車千乘自其鄉入既許之矣若入君必

失國子盍圖之子家以告公公恐晏嬰聞之曰君

固無勇而又聞是弗能久矣

不能久敵晉

齊侯登巫山以

望晉師

巫山在盧縣東北。今山東濟南府肥城縣西北七十五里有孝堂山即齊侯望晉師處也。

晉人使司

馬斥山澤之險雖所不至必旆而疏陳之

斥侯也疏建旌旗以為陳

示衆也。陳去聲。

使乘車者左實右僞以旆先

僞以衣服為人形也建旆以先驅

與曳柴而從之

以揚塵

齊侯見之，畏其衆也，乃脫歸。

不脫

張旗幟

丙寅晦，齊師夜遁。師曠告晉侯曰：「烏烏之聲。」

樂齊師其遁。

烏烏得空營，故樂也。

邢伯告中行伯。

邢伯，晉大夫邢侯也。中行伯，獻子。

曰：「有班馬之聲。」

夜遁，馬不相見，故鳴班，別也。

齊師其遁，叔向告晉侯。

曰：「城上有烏，齊師其遁。」十一月丁卯朔，入平陰，遂

從齊師。夙沙衛連大車以塞隧，而殿。

此衛所直，卓郭欲守險。

最曰：「子殿國師，齊之辱也。」

奄人殿師，故以為辱。

子姑先平，乃代

之殿，衛殺馬於隘以塞道。

恨二子故塞其道，欲使晉得之。

晉州綽及之。

射殖綽中肩，兩矢夾脰。

脰，頸也。脰，音豆。

曰：「止，將為三軍獲。」

不止將取其衷

不止復欲射
兩矢中央

顧曰爲私誓州綽曰有如

日

言必不殺
女明如日

乃弛弓而自後縛之

反縛也。弛式氏反下云其
右具丙亦舍兵則此是州綽

弛弓也

其右具丙

州綽
之右

亦舍兵而縛郭最比衿甲面縛

甲

不解甲。
衿其鴛反。

坐于中軍之鼓下。晉人欲逐歸者魯衛請

攻險

險固城
守者

己卯荀偃士匄以中軍克京茲

在平陰
城東南

乙

酉魏絳藥盈以下軍克邾

藥驚死其子盈佐下軍平
陰西有邾山。邾音詩

趙武

韓起以上軍圍盧弗克十二月戊戌及秦周伐雍

門之菽

秦周魯大夫趙武及之共伐菽也雍門
齊城門。雍去聲菽音秋說文蕭也

范鞅門于雍門

其御追喜以戈殺犬于門中

殺犬示
闕暇

孟莊子斬其櫜

以爲公琴

莊子孺子速也。櫛木名。櫛勅倫反。

己亥焚雍門及西郭南郭。

劉難士弱率諸侯之師焚申池之竹木。

二子晉大夫。申難乃多反。

池齊城西

壬寅焚東郭北郭范鞅門于揚門。

齊西州綽門。

于東間

齊東門

左驂迫還于門中以枚數闔。

枚馬榻也。闔門扇也。數其

板示不恐。還音旋。數所主反。榻陟瓜反。

齊侯駕將走郵棠。

郵棠齊邑。今山東膠州即墨縣南八十里有甘棠

社即古棠鄉

太子與郭榮扣馬。

太子光也。榮齊大夫。扣音口。

曰師速而疾略

也。

言欲略行其地無久攻意。行去聲。

將退矣。君何懼焉。且社稷之主不

可以輕輕則失衆。君必待之。將犯之。太子抽劍斷

鞅乃止。甲辰東侵及濰南及沂。

濰水在東萊東北。至北海。都昌縣入濰。沂水出東境。

蓋點至下邳入泗。莞音官。輕去聲。斷音短。水歸海。水出琅琊。縣屬沂州。武平昌高密淳于。邳在今安邱縣屬。山東青州府屬。昌今屬
昌高密淳于皆在今安邱縣屬。山東青州府屬。昌今屬
昌高密淳于皆在今安邱縣屬。山東青州府屬。昌今屬
昌高密淳于皆在今安邱縣屬。山東青州府屬。昌今屬
昌高密淳于皆在今安邱縣屬。山東青州府屬。昌今屬

○鄭子孔欲去諸大夫

欲專權

將叛晉而起楚師以去

之使告子庚。子庚弗許。

子庚楚令尹公子午

楚子聞之。使揚豚

尹宜告子庚曰。國人謂不穀主社稷。而不出師。死

不從禮。

不能承先君之業。死將不得從先君之禮。

不穀即位於今五年。師徒不

出。人其以不穀爲自逸。而忘先君之業矣。

謂已未嘗統帥自出

大夫圖之。其若之何。子庚歎曰。君王其謂午懷安乎。吾以利社稷也。見使者稽首而對曰。諸侯方睦

於晉臣請嘗之

嘗試其難易也

若可君而繼之不可收師而

退可以無害君亦無辱子庚帥師治兵於汾

襄城縣東北有

汾邱城○水經注潁水東歷置邱城南故汾邱城也今襄城縣屬河南開封府

於是子矯伯有子張從

鄭伯伐齊

子張公孫黑肱

子孔子展子西守二子知子孔之

謀

二子子展子西

完守入保

完城郭內保守

子孔不敢會楚師楚師伐

鄭次於魚陵

魚陵魚齒山也在南陽擘縣北鄭地○擘尺由反○水經注潁水源自魚齒山今在河南汝州東南五十里

右

師城上棘遂涉潁次于旃然

將涉潁故於水邊權築小城以為進退之備旃然水出滎陽城

卑縣東入潁○郡縣志陽翟有上棘城今在開封府禹州南水經注索水出京縣西南嵩諸山即古旃然水也今嵩諸山在開封府滎陽縣東南三十五

里為子馮公子格率銳師侵躐滑胥靡獻于雍梁

胥靡獻于雍梁皆鄭邑河南陽翟縣

東北有雍氏城。賈扶味反雍去聲

右回梅山

在滎陽密縣東北。今開封府鄭州西南

三十里

有梅山。侵鄭東北。至于蟲牢而反。子庚門于純門。信

于城下而還。

信再宿也

涉於魚齒之下。

魚齒山之下有溪水。故言波。澗音維。

甚雨

及之。楚師多凍。役徒幾盡。晉人聞有楚師。師曠曰。

不害。吾驟歌北風。又歌南風。南風不競。

歌者吹律以詠。八風南風音微。

故曰不競也。師曠唯歌南北風者。聽云百楚之強弱。孔疏律呂雖有十二。其風有八。八風者。乾風不周。坎風廣莫。艮風調震。風明庶。巽風清明。離風景

坤風涼。兌風闐闐。八方之風。風別先有音曲。總吹律呂以詠八方音曲。今師曠以律呂歌南風音曲。南風音微。不與律聲相應。故云不競也。多

死聲。

孔疏服虔云。南風律氣不至。故聲多死。

楚必無功。董叔曰。天道多在西

北。歲在承韋。月又建亥。故曰多在西北。承韋一名婢。南師不時。必

訾當亥之次也。周十二月。夏之十月。其月又建亥。

南師不時。必

無功

不時謂觸歲月

叔向曰在其君之德也

言天時地利不如人和

經十有九年春王正月諸侯盟于祝柯

前年圍齊之諸侯也祝柯縣今

屬濟南郡今長清縣豐濟鎮

晉人執邾子

稱人以執志及民也。執之舍之不以王命故

稱人○公至自伐齊

無傳

○取邾田自漵水

取邾田以漵水為界也漵水出

東海合鄉縣西南經魯國至高平湖陸縣入泗。漵音郭。合鄉漢縣北齊省湖陸即湖陵在今山東兗州府魚臺縣東北

○季孫

宿如晉○葬曹成公

無傳

○夏衛孫林父帥師伐齊

○秋七月辛卯齊侯環卒

世子光三與魯同盟

○晉士匄帥師

侵齊至穀聞齊侯卒乃還

詳錄所至及還者善得禮

○八月丙辰仲

孫蔑卒

無傳

○齊殺其大夫高厚○鄭殺其大夫公

子嘉○冬葬齊靈公

無傳

○城西郭

魯西郭

○叔孫豹會

晉士勾于柯

魏郡內黃縣東北有柯城。今內黃縣屬直隸大名府。

○城武城

泰山南武城縣。通

典費縣有古武城。今故城在費縣西南九十里屬兗州府。

傅十九年春諸侯還自沂上盟于督揚曰大毋侵

小

督揚即祝柯也

執邾悼公以其伐我故

伐魯在十七年

遂次于泗上

疆我田

正邾魯之界也泗水名

取邾田自漵水歸之于我

邾田在漵水北今更

以漵為界故曰取邾田

晉侯先歸公享晉六卿于蒲圃

六卿過魯

賜之三

命之服軍尉司馬司空輿尉候奄皆受一命之服

如鞶戰還之賜唯無先輅

賄荀偃束錦加璧乘馬先吳壽夢之鼎

前修

中軍元帥故特賄之五匹為束四馬為乘壽夢吳子乘也獻鼎於魯因以為名古之獻物必有以先今以璧馬為鼎之先○乘先並去聲夢平聲

荀偃癉疽生瘍於頭

癉疽惡創○癉音且瘍音羊創平聲○孔疏說文云癉勞病也疽癉也癉腫也瘍頭

創也然則傳言荀偃病此疽腫腫潰遂生創於頭杜云癉疽惡創略言其病創耳

濟河及著雍病目出大

夫先歸者皆反士匄請見弗內請後曰鄭甥可

中軍佐故問後也鄭甥荀吳其母鄭女○著直慮反雍去聲內音納

二月甲寅卒而視不可含

目開口噤○含去聲下同

宣子盥而撫之曰事吳敢不如事主猶視

大夫稱藥懷子曰其為未卒事於齊故也乎

懷子藥盈為去聲乃

復撫之曰主苟終所不嗣事于齊者有如河乃瞑

受舍

嗣續也○瞑亡丁反

宣子出曰吾淺之為丈夫也

自恨以私待人

○晉欒魴帥師從衛孫文子伐齊

為懷子之言故也欒魴
欒氏族不書兵并林父

不別告也經

書夏從告

○季武子如晉拜師

謝討齊

晉侯享之范宣子為政

代荀偃將

中軍賦黍苗

黍苗詩小雅美名伯勞來諸侯如陰雨
之長黍苗也晉君憂勞魯國猶召伯

季武子興再

拜稽首曰小國之仰大國也如百穀之仰膏雨焉

若常膏之其天下輯睦豈唯敝邑賦六月

六月尹吉甫
佐天子征伐

之詩以晉侯比吉甫出征
以匡王國○常膏古報反

○季武子以所得於齊之兵作林鐘而銘魯功焉

林鐘律名鐸鐘聲
應林鐘因為名

臧武仲謂季孫曰非禮也夫銘天子

令德

天子銘德不銘功。邵氏寶曰：令猶令龜之令，言以德布于銘也。

諸侯言時計功

舉得時動有功則可

銘也大夫稱伐

銘其功今稱伐則下等也

從大夫故計功則借

人也

借晉力也

言時則妨民多矣，何以爲銘？且夫大伐小

取其所得以作彝器

彝常也，請鐘鼎為宗廟之常器

銘其功烈以示子

孫，昭明德而懲無禮也。今將借人之力以救其死

若之何？銘之小國幸於大國

以勝大國為幸

而昭所獲焉，以

怒之，亡之道也

為城西郭武城傳

○齊侯娶于魯，曰顏懿姬，無子。其姪驪聲姬生光

以爲大子

兄子曰姪，顏懿姬二姬母姓，因以爲號，驪聲皆姪。驪子公反

諸子：仲子、戎子、戎

子嬖

諸子諸妾姓子者。子皆宋女。顧氏炎武曰。房之辭。管子注。諸子。內官之號。此作諸妾。姓子及哀五年。諸子鬻。以解作庶公子。皆誤。

子生牙屬諸戎子

屬託之。屬之蜀反。

戎子請以爲大子。許之。

齊侯許之。

仲子曰。不可。廢常不祥。

廢立猶之常。

間諸侯難。

事難成也。間去聲。

光之立也。列於諸侯矣。

列諸侯之會。

今無故而廢之。是專

黜諸侯。

謂光已有諸侯之尊。

而以難犯不祥也。君必悔之。公曰。

在我而已。遂東大子光。

廢而徙之東鄙。

使高厚傅牙。以爲大

子。夙沙衛爲少傅。齊侯疾。崔杼微逆光。疾病而立

之。光殺戎子。

終言之。

尸諸朝。非禮也。婦人無刑。

無際別之刑。黜其京反。

雖有刑。不在朝市。

謂犯死刑者。猶不暴尸。

夏五月壬辰晦。齊靈公

卒

經書七月辛卯
光定位而後赴

莊公即位

太子

執公子牙於句瀆之邱

以夙沙衛易己衛奔高唐以叛

光謂衛殺公易己高唐在祝
柯縣西北。句古侯反瀆音

豆。漢置高唐縣今為高唐州屬山東東昌
府古高唐城在濟南府禹城縣北四十里

○晉士匄侵齊及穀聞喪而還禮也

禮之常不
必待君命

○於四月丁未

於此年
四月

鄭公孫蠆卒赴於晉大夫范

宣子言於晉侯以其善於伐秦也

十四年晉伐秦子蟠見
諸侯師而勸之濟涇

六月晉侯請於王王追賜之大路使以行禮也

大路
天子

所賜車之總名以行葬禮
傳言大夫有功則賜服路

○秋八月齊崔杼殺高厚於灑藍而兼其室

灑藍
齊地書

曰齊殺其大夫從君於昏也

傳解經不言崔杼殺而為國討文

○鄭子孔之為政也專專權國人患之乃討西宮之

難十年尉止等作難西宮子孔知而不言

與純門之師

前年子孔召楚師至純門

子孔當罪

以其甲及子革子良氏之甲守以自守也甲辰子展子西

率國人伐之殺子孔而分其室書曰鄭殺其大夫

專也

亦以國討為文

子然子孔宋子之子也

子然子革父

士子孔圭

媯之子也

宋子圭媯皆鄭穆公妾士子孔子良父○媯居危反

圭媯之班亞宋子而

相親也

亞次也

士子孔亦相親也僖之四年子然卒

鄭僖

四年魯襄六年

簡之元年士子孔卒

魯襄八年

司徒孔實相子革

子良之室

司徒孔與二父相親故相助其子。司徒孔即子孔。

三室如一

言同心。

故及於難

故二子并及難。

子革子良出奔楚。子革爲右尹。

子革即鄭丹。

鄭人使

子展當國。子西聽政。立子產爲卿。

簡公猶幼故大夫當國。

○齊慶封圍高唐弗克。

風沙衛以叛故圍之。

冬十一月齊侯圍

之。見衛在城上號之。乃下。

衛下與齊侯語。號胡報反。名也。

問守備焉。

以無備告。揖之。乃登。

齊侯以衛告誠揖而禮之欲生之也。衛志於戰死故不順齊侯之揖而還登城。聞

師將傅食高唐人。殖綽工。樓會夜緹納師。

因其會食。子齊大夫。

傅音附。食音嗣。樓方侯反。

醢衛于軍。

○城西郭懼齊也。

前年與晉伐齊又鑄其器爲鐘故懼。

○齊及晉平盟于大隧

大隧地關。或曰在今高唐州境。

故穆叔會范

宣子于柯

齊晉平魯懼齊故為柯會以自固。

穆叔見叔向賦載馳之四

章

四章曰控于大邦誰因誰極控引也取其欲引大國以自救助。

叔向曰胖敢不承命

叔向度齊未肯

以盟服故許救魯。

穆叔歸曰齊猶未也不可以不懼。

言齊猶未服于晉。

乃城武城

○衛石共子卒

石

悼子不衰

買之子石惡。

孔成子曰是謂

蹙其本

蹙猶拔也。蹙求月反。

必不有其宗

為十八年石惡出奔傳。

經二十年春王正月辛亥仲孫速會莒人盟于向

向莒邑。

○夏六月庚申公會晉侯齊侯宋公衛侯

鄭伯曹伯莒子邾子滕子薛伯杞伯小邾子盟于

澶淵

澶淵在頓邱縣南今名繁汙此衛地又近戚田。澶市然反汗音紆。今直隸大名府開州古澶淵地也。

秋公至自

會

無傳

○仲孫速帥師伐邾○蔡殺其大夫公子燮

莊公子

蔡公子履出奔楚

燮母弟也

○陳侯之弟黃出奔楚

稱弟明無罪也

○叔老如齊○冬十月丙辰朔日有食之無傳

○季孫宿如宋

傅二十年春及莒平孟莊子會莒人盟于向督揚

之盟故也

莒數伐魯前年諸侯盟督揚以和解之故二國自復共盟結其好

○夏盟于澶淵齊成故也

齊與晉平

○邾人驟至以諸侯之事弗能報也

驟數也謂十五年十七年伐魯秋

孟莊子伐邾以報之

既盟而又伐之非

○蔡公子燮欲以蔡之晉

背楚

蔡人殺之公子履其

母弟也故出奔楚

與兄同謀故

陳慶虎慶寅畏公子黃之

偏

二慶陳卿恐黃偏奪其政

愬諸楚曰與蔡司馬同謀

同欲之晉○蔡司馬即公子燮

楚

人以爲討

討責陳

公子黃出奔楚

奔楚自理

初蔡文侯欲事

晉曰先君與於踐土之盟

先君文侯父莊侯甲午也踐土盟在僖二十八年

晉不可

弃且兄弟也畏楚不能行而卒

宣十七年文侯卒

楚人使蔡

無常

徵發無準

公子燮求從先君以利蔡不能而死書

曰蔡殺其大夫公子燮言不與民司欲也

罪其違衆。王氏錫爵曰。

燮之欲去楚而之晉也。既以追承先志。又懼楚役求紆其民。皆謀國之合義者。不幸見殺于國人。而左氏遂以違衆罪之。謬矣。陳侯之

弟黃出奔楚言非其罪也

稱弟罪陳侯及二慶

公子黃將出奔

呼於國曰慶氏無道求專陳國暴蔑其君而去其

親五年不滅是無天也

爲二十三年陳殺二慶傳。呼去聲。

○齊子初聘于齊禮也

齊魯有然朝聘禮。絕今始復。通故曰初。繼好息民。故曰禮。

○冬季武子如宋報向戌之聘也

向戌聘在十五年

褚師段

逆之以受享

段共公子子石也。逆以入國受享禮。○褚張呂反。

賦常棣之七章以卒

武子賦也。七章以卒。畫八章。取其妻子好合。如鼓瑟琴。宜爾室家。樂爾妻孥。言二國好合。宜其室家。相親如兄弟。

宋人重賄之

歸復命。公享之。賦魚麗之卒章。

魚麗詩小雅卒章曰物其

其時。麗去聲。公賦南山有臺。

南山有臺詩小雅取其樂只君子邦家之基邦家之光喻武子奉使能為國光輝武

子去所曰臣不堪也。

去所辟席

○衛甯惠子疾召悼子。

悼子甯喜

曰吾得罪於君悔而無

及也。名藏在諸侯之策曰孫林父甯殖出其君君

入則掩之。

掩惡名

若能掩之則吾子也。若不能猶有鬼

神吾有餒而已不來食矣。

餒餓也

悼子許諾惠子遂卒

為二十六年

衛侯歸傳

經二十有一年春王正月公如晉○邾庶其以漆

閭邱來奔

二邑在高平南平陽縣東北有漆鄉西北有顯閭亭以是出為叛適魯而言來奔內外之辭○今山東兗州府鄒縣

北有漆城即漆鄉也

○夏公至自晉無傳○秋晉欒盈出奔楚盈不

能防閑其母以取奔亡稱名罪之

○九月庚戌朔日有食之無傳○冬十月

月庚辰朔日有食之

無傳○曹伯來朝○公會晉侯

齊侯宋公衛侯鄭伯曹伯莒子邾子于商任商任地關○任

音壬○按公羊傳是年十一月庚子孔子生穀梁傳冬十月庚子孔子生史記襄公二十二年孔子生三家不同朱子生史記

傳二十一年春公如晉拜師及取邾田也

謝十八年伐齊之師

漆水之田

○邾庶其以漆閭邱來奔

庶其邾大夫

季武子以公姑姊

妻之

計公年不得有未嫁
姊妹蓋寡者二人

皆有賜於其從者。於是魯多盜。

季孫謂臧武仲曰：子盍詰盜。

詰治也。從去聲。

武仲曰：不可。

詰也。紇又不能。季孫曰：我有四封而詰其盜，何故

不可？子爲司寇，將盜是務去。若之何不能？武仲曰：

子召外盜而大禮焉，何以止吾盜？

吾謂國中

子爲正卿而

來外盜，使紇去之，將何以能？庶其竊邑於邾以來，

子以姬氏妻之，而與之邑。

使食漆閭邱

其從者皆有賜焉。

若大盜禮焉，以君之姑姊與其大邑，其次阜牧與

馬。

給其賤役從阜至牧，凡八等之人。謂阜與隸僚僕臺圍牧也。

其小者，衣裳劍帶，是賞盜。

也。賞而去之。其或難焉。紇也。聞之。在上位者。洒濯

其心。壹以待人。軌度其信。可明徵也。徵驗也。洒西禮反。度待洛反。言洗濯

其利慾之私心。專壹以待乎人。其法皆一度於信。前後所行皆可明驗。而後可以治人。夫上之所

爲。民之歸也。上所不爲。而民或爲之。是以加刑罰

焉。而莫敢不懲。若上之所爲。而民亦爲之。乃其所

也。又可禁乎。夏書曰。念茲在茲。逸書也。茲此也。謂行此事。當念使可施之於此。今

大禹謨釋茲在茲。釋除也。謂欲有所治。除於人。亦當顧己得無亦有之。名言茲在茲。名此事。言此事亦皆

當今可施於此允出茲在茲。允信也。信出於此。則善亦在此。惟帝念功。言帝念功。則功成也。將

謂由己壹也。信由己壹。而後功可念也。言非但意念而已。當須信已誠。

至○誠信之道由已專壹而後念功則功可成庶其非卿也以地來雖賤必書重

地也

重地故書其人其人書則惡名彰以懲不義

○齊侯使慶佐爲大夫

慶佐崔杼黨

復討公子牙之黨執

公子買于句瀆之邱公子鉏來奔叔孫還奔燕三子

齊公族言莊公斥逐親戚以成崔慶之勢終有弑殺之禍○還音旋

○夏楚子庚卒楚子使遠子馮爲令尹訪於申叔

豫

叔豫叔時孫馮皮冰反

叔豫曰國多寵而王弱

弱政教微而貴臣強

國不可

爲也遂以疾辭方暑闕地下冰而牀焉重繭衣裘

鮮食而寢

繭綿衣○闕求月反重平聲衣去聲鮮上聲

楚子使醫視之復曰瘠

則甚矣。瘠瘦也。而血氣未動。言無疾。乃使子南為令尹。子南公也。追舒。

也為二十二年殺追舒傳

○欒桓子娶於范宣子，生懷子。桓子，欒黶也。范鞅以其

亡也，怨欒氏。十四年，欒黶殲，逐范鞅使奔秦。故與欒盈為公族大夫，而

不相能。桓子卒，欒祁與其老州賓通。欒祁，桓子妻范宣子女，盈之母也。范

氏，堯後，祁姓。幾亡室矣。言亂甚。懷子患之，祁懼其討也，愬

諸宣子曰：「盈將為亂，以范氏為死桓主而專政矣。」

桓主，欒黶也。欒黶曰：「吾父逐鞅也，不怒，而以寵報之。謂宣子不為黶責，趙鞅而反與鞅寵位。

又與吾同官而專之。同為公族大夫。吾父死而益富，死

吾父而專於國有死而已吾蔑從之矣

言宣子專政盈欲以死作難

其謀如是懼害於主吾不敢不言范鞅爲之徵

證其有此

懷子好施士多歸之宣子畏其多士也信之懷子

爲下卿

下車佐施去聲

宣子使城著而遂逐之

著晉邑在外易逐○著直據反

秋藥盈出奔楚宣子殺箕遺黃淵嘉父司空靖邴

豫董叔邴師申書羊舌虎叔羸

十子皆晉大夫藥盈之黨也羊舌虎叔向弟

囚

伯華叔向籍偃

籍偃上軍司馬

人謂叔向曰子離於罪其爲

不知乎

譏其受囚而不能去離麗也知音智下同

叔向曰與其死亡若何

言雖囚何

若於死亡詩曰優哉游哉聊以卒歲知也

詩小雅言君子優游於衰世所以辟害卒其壽

是亦知也。樂王鮒見叔向曰：吾爲子請。叔向弗應。出不拜。

樂王鮒，晉大夫。樂桓子。鮒音附。

其人皆咎叔向。叔向曰：必祁大夫。祁大夫，祁奚也。食邑於祁，因以爲氏。祁縣今屬太原。

室老聞之曰：樂王鮒言於君，無不行。

其言皆得行。求救吾子。吾子不許。謂不應。出不拜。祁大夫所不能也。

不能動君。而曰必由之，何也？叔向曰：樂王鮒從君者也。何

能行？祁大夫外舉不棄讐，內舉不失親，其獨遺我

乎？詩曰：有覺德行，四國順之。詩大雅言德行，直則天下順之。夫子覺者

也。覺較然正直。較音角。晉侯問叔向之罪於樂王鮒，對曰：不棄

其親，其有焉。言叔向篤親親，必與叔虎同謀。於是祁奚老矣。老六公族大夫。聞之

乘駟而見宣子曰詩曰惠我無疆子孫保之

詩周頌也言文

武有惠訓之德加於百姓故子孫保賴之。駟人實反傳也。

書曰聖有蕃勲明徵定保

書

蕃謀也勲功也言聖君有謀功者當明信定安之。蕃莫胡反。今夏書亂征文。

夫謀而鮮過惠訓不倦

者叔向有焉

謀鮮過有蕃勲也惠訓不倦惠我無疆也。

社稷之固也猶將十

世宥之以勸能者今壹不免其身

壹以弟故

以弃社稷不

亦惑乎鯀殛而禹興

言不以父罪廢其子

伊尹放犬甲而相之

卒無怨色

大甲湯孫也荒淫失度伊尹放之桐宮三年改悔而復之而無恨心言不以一怨妨大德。

管蔡為戮

周公右王

言兄弟罪不相及

若之何其以虎也弃社稷子為

善誰敢不勉多殺何為宣子說與之乘以言諸公

而免之

共載入見公
○乘去聲

不見叔向而歸

言為國非
私叔向也

叔向亦不

告免焉而朝

不告謝之
明不為己

初叔向之母妬叔虎之母美

而不使

不使見
叔向父

其子皆諫其母其母曰溪山大澤實

生龍蛇

言非常之地多
生非常之物

彼美余懼其生龍蛇以禍女女

敝族也

敝衰壞也龍
蛇喻奇怪

國多大寵

六卿
專權

不仁人閒之不亦難

乎余何愛焉使往視寢生叔虎美而有勇力樂懷

子嬖之故羊舌氏之族及於難樂盈過於周周西

鄙掠之

劫掠財物
○掠音亮

辭於行人

王行人
人也

曰天子陪臣盈

諸侯之
臣稱於

天子曰
陪臣

得罪於王之守臣

范宣子為王所命故
曰守臣○守去聲

將逃罪罪重

於郊甸

重得罪於郊甸謂為郊甸所侵掠也郭外曰郊郊外曰甸

無所伏竄敢布其死

布陳也

昔陪臣書能輸力於王室王施惠焉

輸力謂輸相晉國以翼戴天子

其

子鷹不能保任其父之勞大君若不弃書之力亡

臣猶有所逃

大君謂天王任晉王

若弃書之力而思鷹之罪臣

戮餘也

罪戮之餘

將歸死於尉氏

尉氏尉氏之官

不敢還矣敢布四

體唯大君命焉

布四體言無所隱

王曰尤而效之其又甚焉

尤晉逐盈而自掠之是效尤

使司徒禁掠欒氏者歸所取焉使侯出

諸輶轅

侯送迎賓客之官也輶轅關在緄氏縣東南輿地志其阪有十二曲道將去復還故名今河南河南府鞏縣西南有輶轅山

○冬曹武公來朝始見也

即位三年始來見公○見賢遍反

○會於商任。錮欒氏也。

禁錮欒氏使諸侯不得受。錮音固。

齊侯衛侯不

敬。叔向曰：二君者必不免。會朝禮之經也。禮政之

與也。

政須禮而行。

政身之守也。

政存則身安。

怠禮失政，失政不立。

是以亂也。

為二十五年齊弑光，二十六年衛弑剽。

○知起中行喜。州綽邢蒯出奔齊。

四子晉大夫。

皆欒氏之

黨也。欒王鮒謂范宣子曰：盍反州綽邢蒯勇士也。

宣子曰：彼欒氏之勇也，余何獲焉。

言不為己用。

王鮒曰：子

為彼欒氏，乃亦子之勇也。

言子待之如欒氏，亦為子用也。

齊莊公朝，指

殖綽郭最曰：是寡人之雄也。州綽曰：君以為雄，誰

敢不雄然。臣不敏，平陰之役，先二子鳴。

十八年晉伐齊及平陰州綽獲

殖綽郭最故自比於雞鬪勝而先鳴。先二悉薦反。

莊公爲勇爵。

設爵位以命勇士。陸氏案曰爵酒器設之以饗勇士也。

殖綽郭最欲與焉。

自以爲勇。與音預下同。

州綽曰：東閭之役，臣左

驂迫，還於門中，識其枚數。

識門板數亦在十八年。還音旋。枚本亦作版。

其可以

與於此乎？公曰：子爲晉君也。對曰：臣爲隸新。

言但爲僕隸尚

新耳。然二子者，譬於禽獸，臣食其肉而寢處其皮矣。

言嘗射得之。

處上聲。

經二十有二年春，王正月，公至自會。

無傳。

○夏四月

○秋七月辛酉，叔老卒。

無傳子叔齊子。

○冬公會晉侯、齊侯。

宋公衛侯鄭伯曹伯莒子邾子薛伯杞伯小邾子于沙隨。○公至自會。傳無○楚殺其大夫公子追舒。

書名者寵近小人貪而多為國所患。

蘇氏轍曰追舒罪不至死故稱圍以殺。

傳二十二年春臧武仲如晉。公頻與晉侯外會今各將罷還魯之守卿遣武仲為公謝不敏。

故不書雨過御叔御叔在其邑將飲酒。御叔魯御邑大夫。過平聲。曰焉。

用聖人。武仲多知時人謂之聖。我將飲酒而已。雨行何以聖為。穆

叔聞之曰不可使也。而傲使人。言御叔不任使四方。使人所使反。國之

蠹也。令倍其賦。邑故以重賦。言穆叔能用教。

○夏晉人。○鄭人使少正公孫僑對。少正

子產

曰在晉先君悼公九年我寡君於是即位

魯襄

八年即位八月

即位年

而我先大夫子駟從寡君以朝

于執事執事不禮於寡君

言朝執事謙不敢斥晉侯

寡君懼因是行

也我二年六月朝于楚

因朝晉不見禮生朝楚心

晉是以有戲之役

在九年。戲平聲。

楚人猶競而申禮於敝邑。敝邑欲從執事。

而懼爲大尤。曰晉其謂我不共有禮。是以不敢攜

貳於楚。我四年三月先大夫子蟜又從寡君以觀

釁於楚

實朝言觀釁飾辭也言欲往視楚知可去否。共音恭。

晉於是乎有蕭魚之役

在十一年

謂我敝邑。邇在晉國。譬諸草木。吾臭味也。

晉鄭同姓故

而何敢差池

差池不齊一
○差初宜反

楚亦不競寡君盡其土實

土地所有

重之以宗器

宗廟禮樂之
器鐘磬之屬

以受齊盟

齊同也

遂帥羣臣隨于

執事以會歲終

朝正

貳於楚者子侯石孟歸而討之

石孟
石奘

溟梁之明年

溟梁在
十六年

子蟠老矣公孫夏從寡君以

朝于君見於嘗酎

酒之新熟重者為酎嘗新飲酒為嘗酎○見音
現耐直又反○傅氏遜曰嘗秋祭耐三重醇酒

漢書景帝紀高廟耐張宴曰正月旦作酒八月成名
曰耐武帝紀耐金服皮曰因耐而諸侯獻金助祭也

與執燔焉

助祭○
與音預

燔又作膳
音煩祭肉也

間二年間君將靖東夏

謂二十年澶淵
盟○間去聲

四月又

朝以聽事期

先澶淵二月往
朝以聽會期

不朝之間無歲不聘無役

不從以大國政令之無常國家罷病不虞荐至

荐仍也○

羅音皮

無目不惕豈敢忘職

惕懼也

大國若安定之其朝夕

在庭何辱命焉

言自將往不須來召

若不恤其患而以爲口實

口實但有其言而已

其無乃不堪任命而翦爲仇讎

翦削也謂見制削不堪命則成

仇讎敝邑是懼其敢忘君命委諸執事執事實重圖

之傳言子產有辭所以免大國之討

○秋欒盈自楚適齊晏平仲言於齊侯曰商任之

會受命於晉

受錮欒氏之命

今納欒氏將安用之小所以事

大信也失信不立君其圖之弗聽退告陳文子曰

君人執信臣人執共忠信篤敬上下同之天之道

也。君自弃也。弗能久矣。

爲二十五年齊弑其君先傳

○九月，鄭公孫黑肱有疾，歸邑于公子。

黑肱子張

召室老宗

人立段。

段子石黑肱子

而使黜官薄祭。

黜官無多受職

祭以特羊。殷以

少牢。

四時祀以一羊。三年盛祭以羊豕。殷盛也。○孔疏禮記言大夫有善於君，祿及五世，是大夫有功得禘，禘也。

足以共

祀。盡歸其餘邑。曰：吾聞之，生於亂世，貴而能貧，民

無求焉，可以後亡。敬共事君，與二三子，生在敬戒，

不在富也。己巳，伯張卒。君子曰：善戒。詩曰：慎爾侯

度，用戒不虞。鄭子張其有焉。

詩大雅侯維也。義取慎法度。鄭子張然。

○冬，會于沙隨，復錮驪氏也。

晉知難重也。齊故復錮也。

藥盈猶存齋。

晏子曰。禍將作矣。齊將伐晉。不可以不懼。爲明年齊伐晉傳

○楚觀起有寵於令尹子南。未益祿而有馬數十

乘

言子南偏寵觀起今當

楚人患之。王將討焉。子南之子弃疾爲

王御士

御王車者

王每見之。必泣。弃疾曰。君三泣臣矣。敢

問誰之罪也。王曰。令尹之不能。爾所知也。國將討

焉。爾其居乎。

問能止事我否

對曰。父戮子居。君焉用之。洩命

重刑。臣亦不爲。

洩君命罪之重

王遂殺子南於朝。輶觀起

於四竟。

輶車裂以拘。輶音惠。

子南之臣。謂弃疾請徙子尸於朝

欲犯命取殞

曰。君臣有禮。唯二三子

不欲犯命移尸

三日。弃疾請尸。

王許之既葬其徒曰行乎行去也曰吾與殺吾父行將

焉入曰然則臣王乎曰弃父事讎吾弗忍也於事是讎於實

是君故雖謂讎而不敢報○與音預遂縊而死傳譏康王與人子謀其父失君臣之義復使遠子馮

爲令尹公子黻爲司馬屈建爲莫敖屈建子木也○黻五綺反有寵

於遠子者八人皆無祿而多馬他日朝與申叔豫

言弗應而退從之入於人中申叔辟遠子不欲與語又從之遂歸

退朝見之遠子就申叔家見之曰子三困我於朝吾懼不敢不

見吾過子姑告我何疾我也對曰吾不免是懼何

敢告子言恐與子同罪故不敢與子語○不見音現曰何故對曰昔觀起有寵

於子南子南得罪觀起車裂何故不懼自御而歸

不能當道

蓮子惶懼意不在御

至謂八人者曰吾見申叔夫子

所謂生死而肉骨也

已死復生白骨更肉

知我者如夫子則可

夫子謂申叔也如夫子謂以義直已

不然請止

止不相知

辭八人者而後王安之

辭遣之

○十二月鄭游販將如晉

游販公孫薑子販呼板反

未出竟遭逆

妻者奪之以館于邑

舍止其邑不復行

丁巳其夫攻子明殺

之以其妻行

十二月無丁巳丁巳十一月十四日也

子展廢良而立大叔

良游販子

大叔

曰國卿君之貳也民之主也不可以苟請舍子

明之類

子明有罪而良又不賢故

求亡妻者使復其所使游氏勿怨

鄭國不討專殺之人所以抑強扶弱臨時之宜

曰無昭惡也

交怨則父之不修益明也

春秋左傳杜注卷第十六

春秋左傳杜注卷第十七

華亭姚培謙

襄公

經二十有三年春王二月癸酉朔日有食之無傳○

三月己巳杞伯臼卒五同盟○夏邾畀我來奔無傳畀我

黨同有竊邑叛君之罪來奔故書○葬杞孝公無傳○陳殺其大夫慶虎

及慶寅言名皆罪其專國叛君言及史異辭無義例○陳侯之弟黃自楚歸于

陳諸侯納之曰歸黃至楚自理得直故為楚所納○晉欒盈復入于晉以惡入曰復入

曲沃兵敗奔曲沃據曲沃眾還與君爭非欲出附他國故不言叛○秋齊侯伐衛遂伐晉

兩事故

言遂 ○八月叔孫豹帥師救晉次于雍榆豹救晉待命于雍榆

故書次

雍榆晉地汲郡朝歌縣東有雍城○雍去聲今雍榆城在直隸大名府濬縣西南十八里 ○已卯仲孫速卒

孟莊子也

○冬十月乙亥臧孫紇出奔邾書名者阿順季氏為之廢長立少以取奔亡罪之

○晉人殺欒盈○齊侯龍莒輕行掩其不備曰襲因伐晉還襲莒不言遂者間有事

傅二十三年春祀孝公卒晉悼夫人喪之悼夫人晉平公母祀孝公

姊妹

平公不徹樂非禮也徹去也禮為鄰國闕禮諸侯絕期故以鄰國責之

期居其反○顧氏炎武曰祀孝公晉平公之舅尊同不降當服總麻三月言鄰國之喪且猶徹樂而況于母之兄弟乎

○陳侯如楚朝也公子黃愬二慶於楚楚人名之二慶虎及

寅也

二十二年二慶譖黃黃奔楚自

理今陳侯往楚乃信黃為名二慶使慶樂往殺之慶樂二慶之族二慶畏誅故不敢自往

慶氏以陳叛

因陳侯在楚而叛之不書叛不以告

夏屈建從陳侯圍陳陳

人城

治城以距君屈建楚莫敖

板隊而殺人役人相命各殺其長

慶氏

忿其板隊遂殺築人故役人怒而作亂○隊音墜

遂殺慶虎慶寅楚人納公子黃

君子謂慶氏不義不可肆也

肆放也

故書曰惟命不予

常

周書康誥言有義則存無義則亡

○晉將嫁女于吳齊侯使析歸父媵之以藩載藥

盈及其士

藩車之有障蔽者使若媵妾在其中

納諸曲沃

藥盈邑也○傅氏遜曰曲沃晉祖廟所在蓋諸

卿分掌公邑而此邑屬藥氏

藥盈夜見胥午而告之

胥午守曲沃大夫

對曰不

可天之所廢誰能興之子必不免吾非愛死也知

不集也

集成也。知音智。

盈曰：雖然，因子而死，吾無悔矣。我

實不天子無咎焉。

言我雖不為天所祐，子無天咎，故可因。○言雖事不集而死，乃我自不為天所祐，非子之咎也。

許諾伏之，而觴曲沃人。

齊平，而飲其衆。

樂作，午言曰：今也

得樂，孺子何如？

孺子，樂盈。

對曰：得主而為之死，猶不死也。

皆歎有泣者。爵行，又言，皆曰：得主，何貳之有？盈出。

徧拜之。

謝衆之思已。

四月，樂盈帥曲沃之甲，因魏獻子，以

晝入絳。

獻子，魏舒。絳，晉國都。

初，樂盈佐魏莊子於下軍。

莊子，魏絳。獻子之父。

獻子私焉，故因之。

私相親愛。

趙氏以原屏之難，怨樂氏。

成八年，莊

姬譚之禁，卻為。

韓趙方睦。

韓起讓趙武，故和睦。

中行氏以伐秦之役

怨藥氏

十四年晉伐秦，藥厲違荀偃命，曰：余馬首欲東。

而固與范氏和親

范宣子佐中行，偃於中軍。

知悼子少，而聽於中行氏

悼子，知瑩之子，荀盈也。少年十程

鄭嬖於公

鄭亦荀氏宗

唯魏氏及七輿大夫與之

七輿，官名樂王

鮒侍坐於范宣子，或告曰：藥氏至矣。宣子懼，桓子

曰：奉君以走固宮，必無害也。

桓子，藥王鮒

且藥氏多怨，子

爲政，藥氏自外，子在位，其利多矣。既有利權，又執

民柄

賞罰爲民柄

將何懼焉？藥氏所得，其唯魏氏乎。而可

強取也。夫克亂在權，子無懈矣。公有姻喪

夫人有把喪，強其丈反。

王鮒使宣子墨縗冒經

晉自殺戰還，遂常墨縗。詐爲夫人也。

一婦人輦以

如公

恐欒氏有內應距之故為婦人服而入

奉公以如固宮

固宮宮之有臺觀備守者。觀去聲

范

鞅逆魏舒

用王鮒計欲強取之

則成列既乘將逆欒氏矣趨進

曰欒氏帥賊以入鞅之父與二三子在君所矣

二三子諸

大夫。乘去聲。下驂乘。超乘同。

使鞅逆吾子。鞅請驂乘持帶。

驂乘必持帶。備階隊。

遂

超乘

跳上獻子車

右撫劔左援帶

劫之。援音表。

命驅之出僕請

請所至

鞅曰之公宣子逆諸階

逆獻子

執其手賂之以曲沃

恐不與已

同初斐豹隸也著於丹書

蓋犯罪沒為官奴以丹書其罪

欒氏之力臣

曰督戎國人懼之斐豹謂宣子曰苟焚丹書我殺

督戎宣子喜曰而殺之所不請於君焚丹書者有

如日

言不負要。明如日。

乃出豹而閉之

閉著門外。著直略反。

督戎從之。踰

隱而待之

隱短牆也。

督戎踰入。豹自後擊而殺之。范氏之

徒在臺後

公臺之後。

欒氏乘公門

乘登也。

宣子謂鞅曰。矢及君

屋。死之。鞅用劔以帥卒

用劔短兵接敵欲致死。

欒氏退。攝車從之。

鞅攝宣子戎車。

遇欒樂

樂盈之族。

曰。樂免之。死將訟女於天

言雖死猶不舍女罪。

樂射之不中。又注

注屬矢於弦也。射音石。

則乘槐本而覆

欒樂車櫟槐而覆。

總方服反。

或以戟鉤之。斷肘而死。欒魴傷。欒盈奔。曲沃。晉

人圍之

魴欒氏族。斷音短。

○秋。齊侯伐衛。先驅穀榮御。王孫揮。名揚爲右

先驅前鋒。

軍申驅成秩御莒恒申鮮虞之傅摯為右申驅次前軍

之子。曹開御戎晏父戎為右公御貳廣上之登御邢傳摯申鮮虞

公盧蒲癸為右貳廣公副車啓牢成御襄罷師狼遽疏廣古曠反

為右左翼曰啓胙商子車御侯朝桓跳為右右翼曰胙

徒彫大殿商子游御復之御寇崔如為右大殿後軍燭殿都棘反

庸之越駟乘四人共乘殿車也傳具載此言自衛將遂伐晉莊公廢舊臣任武力。乘去聲

晏平仲曰君恃勇力以伐盟主若不濟國之福也

不德而有功憂必及君崔杼諫曰不可臣聞之小

國聞大國之敗而毀焉必受其咎君其圖之弗聽

陳文子見崔武子

文子陳完之孫須無武子崔杼也

曰將如君何武子

曰吾言於君君弗聽也以爲盟主而利其難羣臣

若急君於何有

言有急不能顧君子欲弑之以說晉

子姑止之文子退告

其人曰崔子將死乎謂君甚而又過之

弑君之惡過於背盟主

不

得其死過君以義猶自抑也况以惡乎

自抑損

齊侯遂

伐晉取朝歌

朝歌今屬汲郡○今河南衛輝府淇縣即古朝歌也

爲二隊入孟門登大

行

二隊分兵爲二部孟門晉隘道太行山在河內郡北○孟門司馬氏貞曰在朝歌東北太行地理志在河內郡野王縣西北今河內縣即野王

縣屬河南懷慶府

張武軍於熒庭

張武軍謂築壘熒庭晉地○孔疏張謂張設築作之具服云張設旗鼓也

成

郟郤

取晉邑而守之郟婢支反

封少水

封晉尸于少水以爲京觀○少去聲少水即澮水也出河南開封府密縣古郟

城西以報平陰之役乃還平陰役在十八年趙勝帥東陽之師

以追之獲晏釐趙勝趙旃之子東陽晉之山東魏郡廣平以北晏釐齊大夫釐方之反

○八月叔孫豹帥師救晉次于雍榆禮也救盟主故曰禮

○季武子無適子公彌長而愛悼子欲立之公彌公鉏悼子

也訪於申豐曰彌與紇吾皆愛之欲擇才焉而立

之申豐趨退歸盡室將行申豐季氏屬大夫他日又訪焉對

曰其然將具敝車而行其然猶必爾乃止止不立紇訪於臧紇臧

紇曰飲我酒吾為子立之季氏飲大夫酒臧紇為

客為上賓飲去聲下同既獻已獻臧孫命北面重席新樽絜之

酒樽既新復繫澡之

○重平聲澡音早

召悼子降逆之大夫皆起

臧孫下迎悼子

及旅

而召公鉏

獻酬禮畢而通行為旅

使與之齒

使從庶子之禮列在悼子之下

季孫失色

恐公鉏

不從

季氏以公鉏為馬正

馬正家司馬

愠而不出閔子馬

見之

閔子馬父

曰子無然禍福無門惟人所召為人子

者患不孝不患無所

所位處

敬共父命何常之有

言廢置在父無

常位也

若能孝敬富倍季氏可也

父寵之則可富○悼子既為適子將承季氏之後故謂悼子為

季氏下言為孟孫其意亦然

姦回不軌禍倍下民可也

禍甚於貧賤

公鉏然

之敬共朝夕恪居官次

次舍也

季孫喜使飲已酒而以

具往盡舍旃

具饗燕之具

故公鉏氏富又出為公左宰

出季氏家

臣仕

於公孟孫惡臧孫

不相善

季孫愛之

愛其成已志

孟氏之御騶豐

點好羯也

羯孟莊子之庶子孺子秩之弟孝伯也。騶側留反。好去聲。羯居竭反。

曰從余言必爲

孟孫

爲孟孫後

再三云

羯從之孟莊子疾豐點謂公鉏苟

立羯請讎臧氏

使孟氏與公鉏共憎臧孫

公鉏謂季孫曰孺子秩固

其所也

固自當立

若羯立則季氏信有力於臧氏矣

臧氏因季孫之

欲而爲定之猶爲有力今若專立孟氏之少則季氏有力過於臧氏

弗應已卯孟孫卒公鉏奉羯

立于戶側

戶側喪主

季孫至入哭而出曰秩焉在公鉏曰

羯在此矣季孫曰孺子長公鉏曰何長之有唯其

才也

季孫廢鉏立純云欲擇才故以此答之

且夫子之命也

遂誣孟孫

遂立羯秩奔

邾臧孫入哭甚哀多涕出其御曰孟孫之惡子也

而哀如是季孫若死其若之何臧孫曰季孫之愛

我疾疢也

常志相順從身之害○疾恥刃反

孟孫之惡我藥石也

常志相違戾猶

藥石之療疾

美疢不如惡石夫石猶生我

愈己疾也

疢之美其毒

滋多孟孫死吾亡無日矣孟氏閉門告於季孫曰

臧氏將爲亂不使我葬

欲爲公鉏

季孫不信臧孫聞

之戒

戒爲備也

冬十月孟氏將辟藉除於臧氏

辟穿藏也於藏氏借人除葬道

○辟婢亦反藏去聲

臧孫使正夫助之

正夫隧正○孔疏隧正屬司徒藏爲司寇兼主掌之

除於東

門甲從己而視之

畏孟氏故從甲士視作者○從去聲

孟氏又告季孫墜

孫怒命攻臧氏

見其有甲故

乙亥臧紇斬鹿門之闕以出

奔邾

魯南城東門

初臧宣叔娶于鑄生賈及爲而死

鑄國齊北蛇邱

縣所治○蛇音移○今山東濟南府肥城縣有鑄鄉即漢蛇邱縣治也

繼室以其姪

女子謂兄弟之子為姪

穆姜

之姨子也

姪穆姜姨母之子與穆姜為姨昆弟

生紇長於公宮姜氏愛之

故立之

立為宣叔嗣

臧賈臧爲出在鑄

還舅氏也

臧武仲自邾

使告臧賈且致大蔡焉

大蔡大龜

曰紇不佞失守宗祧

遠祖廟為祧

敢告不弔

不為天所弔恤

紇之罪不及不祀

言應有後

子以大

蔡納請其可

請為先人立後

賈曰是家之禍也非子之過也

賈聞命矣再拜受龜使爲以納請

賈使爲為已請

遂自爲也

為自為請
為去聲

臧孫如防

防臧孫邑

使來告曰。紇非能害也。知不

足也。

言使甲從己。但慮事淺耳。知音智。

非敢私請。

為其先人請也。

苟守先祀。無廢

二勲。

二勲文仲宣叔。

敢不辟邑。

據邑請後故孔子以為要君。

乃立臧為臧紇致

防而奔齊。其人曰。其盟我乎。

謂陳其罪惡盟諸大夫以為戒。

臧孫曰。無

辭。

廢長立少。季孫所忌。故謂無辭以罪己。

將盟臧氏。季孫召外史掌惡臣。而

問盟首焉。

惡臣謂奔亡者。盟首載書之章首。

對曰。盟東門氏也。曰。毋或

如東門遂。不聽公命。殺適立庶。

文公命立子惡。公子遂殺之立宣公。

盟叔

孫氏也。曰。毋或如叔孫僑如。欲廢國常。蕩覆公室。

謂譖公與季孟於晉。覆芳服反。

季孫曰。臧孫之罪。皆不及此。孟叔曰。

盍以其犯門斬關季孫用之乃盟臧氏曰無或如

臧孫紇于國之紀犯門斬關

干亦犯也

臧孫聞之曰國有

人焉誰居其孟椒乎

孟椒孟獻子之孫子服惠伯居猶與也○居音基與音餘

○晉人克欒盈于曲沃盡殺欒氏之族黨欒魴出

奔宋書曰晉人殺欒盈不言大夫言自外也

自外犯君而入

非復晉

大夫

○齊侯還自晉不入不入遂襲莒門于且于

且于莒邑○且子餘反○

今在山東青州府莒州境

傷股而退

齊侯傷

明日將復戰期于壽舒

壽舒莒地○今

屬莒州

杞殖華還載甲夜入且于之隧宿於莒郊

二子齊大夫且

于隧狹路
○還音旋

明日先遇莒子於蒲侯氏

蒲侯氏近莒之邑

莒子重

賂之使無死曰請有盟

欲以盟要二子無致死戰

華周對曰貪貨弃

命亦君所惡也

華周即華還

昏而受命日未中而弃之何

以事君莒子親鼓之從而伐之獲杞梁之妻於郊

杞梁即杞殖

莒人

行成

勝大國益懼故行成

齊侯歸遇杞梁之妻於郊

梁戰死妻行迎喪

使

弔之辭曰殖之有罪何辱命焉

言若有罪不足弔

若免於罪

猶有先人之敝廬在下妾不得與郊弔

婦人無外事故下猶賤也○與

音預

齊侯弔諸其室

傳善婦人有禮

○齊侯將爲臧紇田

與之田邑

臧孫聞之見齊侯與之言

伐晉

齊侯自道伐晉之功。見音現。

對曰：多則多矣。

戰功曰多。言伐晉之戰功則不為少矣。

抑君

似鼠。夫鼠晝伏夜動，不穴於寢廟，畏人故也。今君

聞晉之亂而後作焉。

作起兵也。

寧將事之，非鼠如何？乃

弗與田。

臧孫知齊侯將敗，不欲受其邑，故以比鼠，欲使怒而止。

仲尼曰：知之難也。有臧

武仲之知。

謂能辟齊禍。知音智下同。

而不容於魯國，抑有由也。作

不順而施，不恕也。夏書曰：念茲在茲。

逸書也。念此事在此身，言行事當常念如

在己身也。

順事恕施也。

經

二十有四年春，叔孫豹如晉。

賀克欒氏。

○仲孫羯帥師

侵齊。○夏，楚子伐吳。○秋七月甲子朔，日有食之。

既

傳無

○齊崔杼帥師伐莒○大水傳無○八月癸巳

朔日有食之

傳無

○公會晉侯宋公衛侯鄭伯曹伯

莒子邾子滕子薛伯杞伯小邾子于夷儀○冬楚

子蔡侯陳侯許男伐鄭○公至自會傳無○陳鍼宜

咎出奔楚

陳鍼子八世孫慶氏之黨書名惡之也○鍼其靡反

○叔孫豹如京師○大

饑

傳無

傳二十四年春穆叔如晉范宣子逆之問焉曰古

人有言曰死而不朽何謂也穆叔未對宣子曰昔

勾之祖自虞以上為陶唐氏

陶唐堯所治地太原晉陽縣也終虞之世以為號故曰自虞以

土
在夏為御龍氏

謂劉累也事見昭二十九年

在商為丞韋氏

丞韋國名東郡

白馬縣東南有韋城。○隋置韋城縣。金廢為鎮。今在直隸大名府滑縣東南五十里。孔疏商初丞韋國君為彭姓。其後乃以劉累之後代之。

在

周為唐杜氏

唐杜二國名。汲冢春秋國於唐。周成王滅唐。遷之於杜。為杜伯。杜伯之子熙叔奔晉。四世及士會。食邑於范。復

為范氏。杜今京兆杜縣。秦置杜縣。漢改其陵。今杜陵故城在陝西西安府治東南十五里。古范城在今范縣東南一十五里。屬山東東昌府濮州。

主夏盟為范氏。其是之謂乎。

晉為諸夏盟主。范氏復為之佐。言己世為興家。

穆叔

曰。以豹所聞。此之謂世祿。非不朽也。魯有先大夫

曰臧文仲。既沒。其言立。

立謂不廢絕。

其是之謂乎。豹聞之。

犬上有立德。

黃帝堯舜。大音泰。

其次有立功。

禹。

其次有立言。

史佚周任。臧文仲。

雖久不廢。此之謂不朽。若夫保姓受氏。以

守宗廟

祊廟門。祊布彭反。

世不絕祀。無國無之。祿之大者。不

可謂不朽。

傳善穆叔之知言。

○范宣子爲政。諸侯之幣重。鄭人病之。二月。鄭伯

如晉。子產寓書於子西。以告宣子。

寓寄也。

曰。子爲晉國。

四鄰諸侯。不聞令德。而聞重幣。僑也。惑之。僑聞君

子長。國家者。非無賄之患。而無令名之難。夫諸侯

之賄。聚於公室。則諸侯貳也。

貳離也。

若吾子賴之。則晉

國貳。

賴恃用之。

諸侯貳。則晉國壞。晉國貳。則子之家壞。

何沒沒也。

沒沒沈滅之言。

將焉用賄。夫令名。德之輿也。

德須令名以遠。

關
德國家之基也。有基無壞，無亦是務乎。有德則

樂，樂則能久。詩云：樂旨君子，邦家之基。有令德也。

夫詩小雅言君子樂美其道為邦家之基所以濟令德上帝臨女，無貳爾心。有令名

也。夫詩大雅言武王為天所臨不敢懷貳心所以濟令名。劉氏炫曰詩人謂武王云上天之意臨視女武王故在下臣民無懷貳於女之心

也。恕思以明德以恕存心而自明其德，則令名載而行之。是以遠

至邇安。毋寧使人謂子，子實生我無寧寧也，而謂子浚我

以生乎。浚取也言取我財以自生。浚思浚反。象有齒以焚其身，賄也。焚斃也。浚不

燒死故訓為斃宣子說，乃輕幣，是行也。鄭伯朝晉，為重幣故

且請伐陳也。鄭伯稽首，宣子辭。子西相曰：以陳國

之介恃大國而陵虐於敝邑

介因也犬國楚也

寡君是以請

罪焉

請得罪於陳也。一本作是以請請罪焉

敢不稽首

為明年鄭入陳傳

○孟孝伯侵齊晉故也

前年齊伐晉魯為晉報侵

○夏楚子為舟師以伐吳

舟師水軍

不為軍政

不設賞罰之差

無功

而還

為下吳名舒鳩起本

○齊侯既伐晉而懼將欲見楚子楚子使蘧啟疆

如齊聘且請期

請會期

齊社蒐軍實使客觀之

祭社因閱數軍

器以示

陳文子曰齊將有寇吾聞之兵不戢必取其

族

戢藏也族類也取其族還自害也

秋齊侯聞將有晉師

夷儀之師

從遂啓疆如楚辭且乞師

辭有晉師未得相見

崔杼帥師送之

遂伐莒侵介根

介根莒邑今城陽縣東北計基城是也齊既與莒平因兵出侵之言無信也○阪側留反○漢置

計斤縣如淳曰斤音基今山東膠州西南五里有介根城

○會于夷儀將以伐齊水不克

晉合諸侯以報前年見伐

○冬楚子伐鄭以救齊門于東門次于棘澤

以齊無字乞師

故也○棘澤在今河南開封府新鄭縣東南

諸侯還救鄭

夷儀諸侯

晉侯使張駘輔驪

致楚師求御于鄭

欲得鄭人自御知其地利故也○駘庚百反驪力狄反

鄭人卜宛射

大吉

射犬鄭公孫○宛於元反射音石

子大叔戒之曰大國之人不可

與也

言不可與等也欲使卑下之犬叔游吉

對曰無有衆寡其上一也

言在己上者有

常分無大
小國之異

大叔曰不然部婁無松柏

部婁小阜松柏大木也
小國異於大國。部猶

口反婁
路口反

二子在幄坐射犬于外

二子張路輔
蹀幄帳也

既食而後食

之使御廣車而行

廣車兵車。後食
音嗣廣古曠反

已皆乘乘車

乘車安
車。下

乘字去
聲下同

將及楚師而後從之乘皆踞轉而鼓琴

轉木裝
轉張

總反

近不告而馳之

射犬恨故近
敵不告而馳

皆取胄於橐而胄入壘

皆下搏人以投收禽挾囚

禽獲也。
橐古毛反

弗待而出

射犬又
不待二

子皆超乘抽弓而射既免復踞轉而鼓琴曰公孫

同乘兄弟也

言同乘義
如兄弟

胡再不謀

謂不告而馳
不待而出

對曰曩者

志入而已今則怯也皆笑曰公孫之亟也

亟急也言其
性急不能受

屈○襄故黨
反重居力反

楚子自棘澤還使遠啓彊帥師送陳無宇

傳言齊楚

固相結也

○吳人爲楚舟師之役故

在此年夏

召舒鳩人舒鳩人叛

楚

舒鳩楚屬國名
欲與共伐楚

楚子師于荒浦

荒浦舒鳩地

使沈尹壽與師

祁犁讓之

二子楚大夫

舒鳩子敬逆二子而告無之且請

受盟二子復命王欲伐之遠子曰不可

今尹遠子馮

彼告

不叛且請受盟而又伐之伐無罪也姑歸息民以

待其卒

卒終也

卒而不貳吾又何求若猶叛我無辭有

庸乃還

彼無辭我有功焉
明年楚滅舒鳩傳

○陳人復討慶氏之黨，鍼宜咎出奔楚。言宜咎所以稱名。

○齊人城邾。邾，王城也。於是殺維闕，毀王宮。齊叛晉，欲求媚於天子，故爲王城之。穆叔如周聘。

且賀城王嘉其有禮也，賜之大路。大路，天子所賜車之總名。爲昭四年叔孫以所

賜路葬。
張本

○晉侯嬖程鄭，使佐下軍。代樂盈也。鄭行人公孫揮如晉

聘。揮，子羽也。程鄭問焉，曰：「敢問降階何由？」問自降下之道。子羽不

能對，歸以語。然明。然明，驪蔑也。驪，子公反。然明曰：「是將死矣。不然，

將亡。貴而知懼，懼而思降，乃得其階。階，猶道也。下人而

已，又何問焉？言易知。且夫既登而求降階者，知人也不

在程鄭其有亡覺乎不然其有惑疾將死而憂也

言鄭本小人為明年程

鄭卒張本。知音智

經二十有五年春齊崔杼帥師伐我北鄙○夏五

月乙亥齊崔杼弑其君光

齊侯雖背盟主未有無道於民故書臣罪崔杼也

○公會

晉侯宋公衛侯鄭伯曹伯莒子邾子滕子薛伯杞

伯小邾子于夷儀○六月壬子鄭公孫舍之帥師

入陳

子產之言陳以不義見入故舍之無譏釋例詳之○舍如字

○秋八月己巳諸侯同

盟于重邱

夷儀之諸侯也重邱齊地己巳七月十一日經誤○重直龍反○襄字記聊城縣東北有重邱襄二十五年諸侯會盟處

聊城今山東東昌府治

公至自會

無傳

○衛侯入于夷儀

夷儀本邢地衛滅邢而為衛邑

晉懲衛衎失圖使衛分之一邑書入者自外而入之辭非國逆之例

○楚屈建帥師滅舒鳩傳在

衛侯入夷儀上

經在下從告

○冬鄭公孫夏帥師伐陳陳猶未服○十有二

月吳子遏伐楚門于巢卒

遏諸樊也為巢牛臣所殺不書滅者楚人不獲其尸吳以卒告未同盟而赴以名○文十二年

楚圍巢至是巢屬於楚

傳二十五年春齊崔杼帥師伐我北鄙以報孝伯

之師也

前年魯使孟孝伯為晉伐齊

公患之使告于晉孟公綽曰崔

子將有大志

志在弑君孟公綽魯大夫

不在病我必速歸何患焉其

來也不寇

不為寇害

使民不嚴

欲得民心

異於他日齊師徒歸

徒空

也

○齊棠公之妻東郭偃之姊也

棠公齊棠邑大夫。孔疏。楚僭號稱王。故縣尹稱公。齊不

僭號亦邑長稱公者。蓋其家臣僕呼之曰公。傳即因而言之。

東郭偃臣崔武子。棠公死。偃

御武子以弔焉。見棠姜而美之。

美其色也。

使偃取之。

為己取也。

偃曰。男女辨姓也。

辨別也。

今君出自丁。

齊丁公。崔杼之祖。

臣出自桓。

不可。

齊桓公小白。東郭偃之祖。同姜姓。故不可昏。

武子筮之。遇困二二三。

坎下兌上。困。

之。

大過三三。

巽下兌上。大過。困六三變為大過。

史皆曰吉。

阿。崔子。史筮人也。

示陳文。

子。文子曰。夫從風。

坎為中男。故曰夫。變而為巽。故曰從風。

風墮妻不可娶也。

風能墮落物者。變而墮落。故曰妻不可娶。

且其繇曰。困于石。據于蒺藜。入于其

宮。不見其妻。凶。

困六三爻辭。

困于石。往不濟也。

坎為險。為水。水之險者。石不可

以動。○孔疏坎象云。習坎重險也。說卦坎為水。之險者為石也。石不可動。往而遇石。是往不濟也。

據于蒺藜。所恃

傷也。

坎為險。兌為澤。澤澤之生物。而險者蒺藜。恃之則傷。

入于其宮。不見其妻。凶。無

所歸也。

易曰。非所困而困。名必辱。非所據而據。身必危。既辱且危。死其妻。失其所歸也。○孔疏。六三以陰居陽位。是失位也。三應在上。

上亦陰。爻是無應也。動而無應。是喪失所歸。故不見其妻也。

崔子曰。

發也。何害。先夫當之矣。

寡婦曰發。言棠公已當此凶。

遂取之。莊公通

焉。驟如崔氏。以崔子之冠。賜人。侍者曰。不可。公曰。

不為崔子。其無冠乎。

言雖不為崔子。猶自應有冠。

崔子因是。又以

其間伐晉也。

間晉之難。而伐之。間去聲。

曰。晉必將報。欲弑公。以說

于晉。而不獲間。公鞭侍人賈舉。而又近之。乃為崔

子閒公

狗公間隙

夏五月。莒爲且于之役。故莒子朝于齊。

且于役在二十三年

甲戌。饗諸北郭。崔子稱疾不視事。

欲使公來

乙亥。

公問崔子

問疾

遂從姜氏。姜入于室。與崔子自側戶

出。公拊楹而歌。

命姜侍人賈舉

止衆從者。而入閉門。

爲崔子閉公也。重言侍人者。別下賈舉。

甲興。公登臺而請。弗許。

請免

請盟。弗許。

請自刃於廟。弗許。

求還廟自殺也

皆曰。君之臣杼疾病。不能

聽命。

不能親聽公命

近於公宮。

言崔子宮近公宮。或淫者詐稱公。

陪臣干楹。有淫

者。不知二命。

干楹。行夜言行夜得淫人受崔子命討之。不知他命。干扞也。楹作侯反。從手。取夜扞寇盜手有所擊也。行去

聲。公踰牆。又射之中股。反隊。遂弑之。賈舉州綽。郕

師公孫敖封具鐸父襄伊婁堙皆死

八子皆齊勇力之臣為公所嬖者與公共

死於崔子之宮。射音石。婁力侯反。堙音因。

祝佗父祭於高堂

高堂有齊別廟也。佗徒河反。

至復

命不說弁而死於崔氏

爵弁祭服。說他活反。

申蒯侍漁者

侍漁監取魚之

官退謂其宰曰爾以帑免

帑宰之妻子

我將死其宰曰免

是反子之義也與之皆死

反死君之義

崔氏殺駸蔑于平

陰

駸蔑平陰大夫公外嬖傳言莊公所養非國士故其死難皆嬖寵之人

晏子立於崔氏之門外

聞難而來

其人曰死乎曰獨吾君也乎哉吾死也

言已與衆臣無異

曰行乎曰吾罪也乎哉吾亡也

自謂無罪

曰歸乎曰君死

安歸

言安可以歸。君既死何所歸也。

君民者豈以陵民社稷是主臣

君者豈爲其口實社稷是養

言君不徒居民上臣不徒求祿皆爲社稷。爲去聲下同故

君爲社稷死則死之爲社稷亡則亡之

謂以公義死亡

若爲

己死而爲己亡非其私暱誰敢任之

私暱所親愛也非所親愛無爲當其禍。

任晉且人有君而弑之吾焉得死之而焉得亡之

言已非正

卿見待無異於衆臣故不得死其難也。人謂崔子

將庸何歸

將用死亡之義何所歸越。既不

門啓而入枕尸股而哭

以公尸枕已股。枕去聲

興三踊而出人謂

崔子必殺之崔子曰民之望也舍之得民也

舍宜盧蒲

癸奔晉王何奔莒

二子莊公意爲二十八年殺慶舍張本

叔孫宣伯之在齊

也宣伯魯叔孫僑如

叔孫還納其女於靈公嬖生景公

成十六年奔齊

還齊羣公子納宣作女於靈公。還音旋。

丁丑崔杼立而相之。慶封爲左相。盟

國人於大宮。

大宮大公廟。

曰：所不與崔慶者，晏子仰天歎

曰：嬰所不唯忠於君利社稷者，是與。有如上帝，乃

歎。

盟書云：所不與崔慶者，有如上帝。讀書未終，晏子抄答易其辭，因自歎。

辛巳，公與大夫及莒子

盟。

莒子朝齊，遇崔杼作亂，未去，故復與景公盟。

大史書曰：崔杼弑其君。崔子殺

之，其弟嗣書而死者二人。

嗣續也。并前有三死。

其弟又書，乃會

之。南史氏聞大史盡死，執簡以往，聞既書矣，乃還。

傳言齊有直史崔杼之罪，所以聞。史居在南，謂之南史，非官名也。

問邱嬰以帷縛其妻而載之。

與申鮮虞乘而出。

二子，莊公近臣。縛直轉反，乘去聲。

鮮虞推而下之。

下嬰妻也。

○推他
回反

曰君昏不能匡危不能救死不能死而知匿

其匿

匿藏也
匿親也

其誰納之行及舛中將舍

舛中狹道
舍於檢反

嬰曰

崔慶其追我鮮虞曰一與一誰能懼我

言道狹雖
衆無所用

遂

舍枕轡而寢

恐失馬也
枕去聲

食馬而食駕而行出舛中謂

嬰曰速驅之崔慶之衆不可當也遂來奔

道廣衆得
用故不可

當○食
馬音嗣

崔氏側莊公于北郭

側瘞埋之
不殯於廟

丁亥葬諸士孫

之里

士孫人姓因名里死十
三日便葬不待五月

四嬰

喪車之飾諸侯六嬰○嬰所甲反
孔疏喪大記云飾棺君黼嬰二

黼嬰二畫嬰二鄭云漢禮嬰以木為筐廣三尺四寸方兩角高衣以白布
畫者畫雲氣其餘各如其象柄長五尺車行使人持之而從既空樹于墻
中禮器云天子八嬰諸侯六嬰大夫四嬰鄭云八嬰者加龍嬰二

不蹕

蹕止
行人

下車七乘不以兵

甲

下車送葬之車。齊舊依上公禮。九乘。又有兵甲。今皆降損。

○晉侯濟自泮

泮

會于夷儀。伐齊。以報朝歌之役。

朝歌役。在二十三年。不書。伐齊。齊人逆。服兵不加。

齊人以莊公說

以弒莊公說晉也。

使隰鉏請

咸慶封如師

慶封獨使於晉。不通諸侯。故不書。鉏隰朋之曾孫。

男女以班

○男女分別將以略晉。

賂晉侯以宗器樂器

宗器祭祀之器。樂器鐘磬之屬。

自六正

三軍之六卿。

五吏

三十帥

五吏文職三十帥武職皆軍卿之屬官。

三軍之大夫。百官之正長師

旅

百官正長。君有司也。師旅小將帥。

及處守者。皆有賂

皆以男女為賂。處守守國者。皆有貨財之賂。

守去

晉侯許之

晉侯受賂。還不識者。齊有喪。師自宜退。

使叔向告於諸侯

告齊服公。

使子服惠伯對曰。君舍有罪。以靖小國。君之惠也。

寡君聞命矣

○晉侯使魏舒宛沒逆衛侯

衛獻公以十四年奔齊。宛於元反。

將使衛

與之夷儀。崔子止其帑以求五鹿。

崔杼欲得衛之五鹿，故留衛侯妻子於齊以質之。

○初，陳侯會楚子伐鄭。

在前年。

當陳隧者，井堙木刊。

隧，徑也。堙，埋也。

塞也。刊，除也。堙，音因。刊，古干反。

鄭人怨之。六月，鄭子展子產帥車七

百乘伐陳，宵突陳城。

突，穿也。

遂入之。陳侯扶其大子偃

師奔墓。

欲逃。

遇司馬桓子曰：「載余。」

陳之司馬。

曰：「將巡城。」

不欲載公以巡。

城。

遇賈獲。

賈，獲陳大夫。

載其母妻，下之而授公車。公曰：「舍

而毋辭，曰不祥。」

雖急猶不欲，男女無別。

與其妻扶其母以奔墓，亦

免子展命師無入公宮與子產親御諸門

欲服之而已故禁侵掠

陳侯使司馬桓子賂以宗器陳侯免擁社

免喪服擁社抱社主亦服

○免音問喪冠也

使其眾男女別而纍以待於朝

纍自囚係以待命○纍類悲反

子展執紼而見

見陳侯

再拜稽首承飲而進獻

承飲奉饌示不失臣敬

子美入數俘而出

子美子產也但數其所獲人數不將以歸○數所主反

祝板社司徒

致民司馬致節司空致地乃還

板除也節兵符陳亂故正其眾官修其所職以安定

之乃還也

○秋七月己巳同盟于重邱齊成故也

伐齊而稱同盟以明齊亦同盟

○趙文子為政

趙武代范向

令薄諸侯之幣而重其禮

以重禮待

諸侯穆叔見之謂穆叔曰自今以往兵其少弭矣也

齊崔慶新得政將求善於諸侯武也知楚令尹今尹

若敬行其禮道之以文辭以靖諸侯兵可以弭為二

年晉楚盟

于宋傳

○楚遠子馮卒屈建為令尹屈建屈蕩為莫敖代屈建

年邲之役楚有屈蕩為左廣之右世本屈蕩屈建之祖父今此屈蕩與之同姓名舒鳩人卒叛前年辭楚

令尹子木伐之及離城離城舒鳩城在今江南廬州府舒城境吳人救之子

木遽以右師先先至子彊舒鳩息桓子捷子駢子孟帥左

師以退五人不及子木吳人居其間七日居楚兩子彊曰

與吳相遇而退

軍之間

久將墊隘隘乃禽也。不如速戰。墊隘慮水雨請以其私卒

誘之。簡師陳以待我。簡閱精兵駐後為陳。陳去聲我克則進，奔則亦

視之。視其形勢而救助之乃可以免。不然必為吳禽。從之。五人

以其私卒先擊吳師。吳師奔。登山以望。見楚師不

繼復逐之。傳諸其軍。吳還逐五子至其本軍。傳音附簡師會之。吳師

大敗。遂圍舒鳩。舒鳩潰。八月，楚滅舒鳩。五子既敗吳師遂前及于木共

圍滅舒鳩

○衛獻公入于夷儀。為下自夷儀與寧喜言張本

○鄭子產獻捷于晉。獻入陳之功而不獻其俘戎服將事。戎服軍旅之衣異於朝服晉

人問陳之罪對曰昔虞闕父爲周陶正以服事我

先王

闕父舜之後當周之
興闕父爲武王陶正

我先王賴其利器用也與其神

明之後也

舜聖故謂
之神明

庸以元女大姬配胡公

庸用也元女
武王之長女

胡公闕父之子
滿也○大音泰

而封諸陳以備三恪

周得天下封夏殷二王後又
封舜後謂之恪并二王後爲

三國其禮轉降示
敬而已故曰三恪

則我周之自出至于今是賴

言陳周之甥
至今賴周德

桓公之亂蔡人欲立其出

陳桓公鮑卒於是陳亂事在魯
桓五年蔡出桓公之子厲公也

先君莊公奉五父而立之

五父佗桓公弟殺犬子免而
代之鄭莊公因就定其位

蔡人

殺之

欲立其
出故

我又與蔡人奉戴厲公

奉戴猶
奉事

至於莊宣

皆我之自立

陳莊公宣公
皆厲公子

夏氏之亂成公播蕩又我之

自入君所知也

播蕩流移失所宣十一年陳復微舒執靈公靈公之子成公奔晉自晉困鄭而入也

今陳

忘周之大德蔑我大惠弃我姻親介恃楚衆以馮

陵我敝邑不可億逞

億度也逞盡也。一云言其狂逞不可億度也

我是以有往

年之告

謂鄭伯稽首告晉請伐陳

未獲成命

未得伐陳命

則有我東門之役

前年陳從楚伐鄭東門

當陳隧者并堙木刊敝邑大懼不競而恥

犬姬

上辱犬姬之靈

天誘其衷啓敝邑心

啟開也開道其心故得勝

陳知其罪

授手于我用敢獻功晉人曰何故侵小對曰先王

之命唯罪所在各致其辟

辟誅也。辟婢亦反

且昔天子之地

一圻

方千里。圻音祈

列國一同

方百里

自是以衰

衰差降。衰初危反

今大

國多數圻矣。若無侵小，何以至焉？晉人曰：何故戎

服？對曰：我先君武莊爲平桓卿士。鄭武公莊公爲周平王桓王卿士。城

濮之役，文公布命曰：各復舊職。晉文公。命我文公戎服

輔王，以授楚捷，不敢廢王命故也。城濮在僖二十八年。士莊伯

不能詰。士莊伯士弱也。復於趙文子。文子曰：其辭順，犯順不

祥，乃受之。冬十月，子展相鄭伯如晉，拜陳之功。謝晉受其

功子西復伐陳，陳及鄭平。前雖入陳服之而已，故更伐以結成。仲尼曰：志

有之。志古書。言以足志，文以足言。足猶成也。○志之所向，必資言以成之。言之所發，必資文以成。

之不言，誰知其志？言之無文，行而不遠。雖得行，猶不能及遠。晉

為伯鄭入陳非文辭不為功慎辭哉

樞機之發榮辱之主

○楚蔣掩為司馬

為子馮之子

子木使庀賦

庀治。庀匹婢反。孔疏。庀訓為具而言

治者以下說治賦之事治之使具故以庀為治也

數甲兵

閱數甲午為掩書土田

地之度山林

材以共國用鳩藪澤

鳩聚也聚成藪澤使民不得焚燎壞之欲以備田獵之處

辨京

陵

表淳鹵

淳鹵壅薄之地表異輕其賦稅。壅音覺孔疏賈逵云淳鹵也說文云

鹵西方鹹地東方謂之斥西方謂之鹵

數疆潦

疆界有流潦者計數減其租入

規偃豬

偃豬下濕之地規度其受水多

少。豬陟魚反

町原防

廣平曰原防隄也隄防閒地不得方正如井田別為小頃町。町徒頂反。說文田踐處曰町

牧隰臯

隰臯水厓下濕為芻牧之地

井衍沃

衍沃平美之地則如周禮制以為井田六尺為步百為畝畝百為夫九

夫為井

量入脩賦

量九土之所入而治理其賦稅

賦車籍馬

籍疏其毛色歲齒以備軍用

賦車

兵車兵徒兵

甲士卒

甲楯之數

使器械有常數

既成以授子木禮也

得治國之禮傳言楚之所以興

○十二月吳子諸樊伐楚以報舟師之役

舟師在二十四年也

門于巢

攻巢門

巢牛臣曰吳王勇而輕若啓之將親門

啓開門也輕去聲

我獲射之必殪

殪死也○射音石下同殪於計反

是君也死疆

其少安從之吳子門焉牛臣隱於短牆以射之卒

○楚子以滅舒鳩賞子木辭曰先大夫薦子之功

也以與薦掩

往年楚子將伐舒鳩薦子馮請退師以須其叛楚子從之卒獲舒鳩故子木辭賞以與其子

○晉程鄭卒子產始知然明

前年然明謂程鄭將死今如其言故知之

問爲政

焉對曰視民如子見不仁者誅之如鷹鷂之逐鳥

雀也子產喜以語子大叔且曰他日吾見蔑之面

而已蔑然今吾見其心矣子大叔問政於子產子產

曰政如農功日夜思之思其始而成其終朝夕而

行之行無越思思而後行如農之有畔言有次其過鮮矣

○衛獻公自夷儀使與甯喜言求復國也甯喜許之大叔

文子聞之大叔儀也曰烏乎詩所謂我躬不說皇恤我後

者甯子可謂不恤其後矣皇職也詩小雅言今我不能自谷說何暇念其後乎謂甯子必身受禍不

得恤其後也○將可乎哉殆必不可君子之行思其終

說詩作闕容也

也

思使終可成

思其復也

思其可復行

書曰慎始而敬終終以不

困

逸書。今蔡仲之命

詩曰夙夜匪解以事一人

一人以喻君

今甯子

視君不如奕棋

奕圍棋也

其何以免乎弈者舉棋不定不

勝其耦而况置君而弗定乎必不免矣九世之卿

族一舉而滅之可哀也哉

甯氏出自衛武公及喜九世也

春秋左傳杜注卷第十七